

董天機

順治

十五年

年

六月

月



七

(採滬三六一三六)

十九日

日到

欽差巡撫直隸等府地方督理軍務併關鎮海防都察院右副都御史加參級合降貳級戴罪董天機

為中途感疾甚危不能赴任懇乞驗視病症申
詳直撫代

題准與調理以無悞地方事順治拾伍年陸月初

捌日據井陘道副使薛信辰呈稱本年陸月初

肆日據真定府呈稱伍月叁拾日據真定縣申

據山東武德道僉事梁維樞呈前事

武德道奉委賚

表入



賀于歲月拾伍日告竣辭

朝出京回任至定州地方忽感疾疾疾迷心竅百
事不知言語不清扶掖登程行至真定縣原籍

疾益沉重延醫從恂診視云疾在膏肓旦夕未能取效竊思武德地衝事繁不可一日缺官伏祈驗視據實申報查例代

題唯樞在籍調理速補賢能代任庶地方無悞樞

再生之年皆感戴

皇恩之日矣等因又據本府鎮城居住醫官從恂結

狀結得本府鄉官山東武德道梁維樞脉息沉

滑痰氣壅塞心竅昏迷動履艱難日服順氣化

痰之劑未見取效中間不敢扶同等因各具呈

結到縣據此看得武德道僉事梁維樞痰迷心

竅人事不知屢經驗視委係真病等情詳申到

府據此看得梁僉事自扶病以來語言不清委

係痰迷心竅日復一日厥疾益深似難即愈既
據該縣驗視明白取具醫生官吏印結詳請代
題擬合呈請等因到道據此該本道看得武德道
梁僉事進

表回任途次偶中痰症醫藥日久未愈府縣查驗
既實取有醫生官吏印結詳請前來相應轉詳

等因到職據此該職看得武德道僉事梁維樞
賈

表事後回任在途患病日久道過里門見在真定
縣原籍調理未痊具呈代

題辭任既經該道據結轉詳前來理合具

題伏乞

睿鑒勅下該部議覆施行為此除具

題外理合具揭須至揭帖者

順治拾伍年陸月

拾壹

日右副都御史加參級降貳級戴罪董天機

